

福
幼
編

R272
14

莊在田先生兒科全集

R 272
14
新刊福幼叢編凡例

一小孩成慢驚症時醫總以古方爲不足恃往往於垂危之際始肯照此而行致有受傷太甚挽回莫及者今以江涵暉先生非驚論暨分急驚爲痰火閉症慢驚爲木侮土症諸方附之與先生此編若合符節庶臨時可以壯膽而祛疑惑

一慢驚之症痘疹之後最易致此痘疹治之得法可免此患仍以先生遂生編擇要附之

一小孩體質純陽毫無嗜欲本不輕易致病每有因產母臨盆生變致小孩受傷太甚先天不足諸病根即因此而伏茲以蕭山蔡氏保產經驗良方附之以期弭患於無形之意

一此編重行補刊名目不一似宜另行標目但鄙人用意專主小孩福幼兩字無所不賅無庸更換惟增一叢字以括之

一惻隱之心人皆有之此書廣刻流傳亦利己利人之事願仁人君子慨發

慈悲同裏善舉此鄙人九頓首而百拜者也至一切邀福得報話頭不足爲

今世 文明人道

鍾駿謹識

原叙

世之醫者委云小兒無補法只此一語禍延靡極夫小兒臟腑柔嫩經脉未充易於受邪偶遇身熱惡食稍爲和解足矣乃醫者每以不消不補輕淺之劑愈則可以居功未愈亦可以免謗不應必消導發散兼用寒涼殊不知風藥多則陰血受傷而多汗亡陽氣亦隨耗再用苦寒傷胃俾陽明無司運之權而太陰亦失傳送之度以未充之經脈柔嫩之臟腑受此無窮之消伐慢驚之所由致端在是矣當此之際尙不亟思補偏救弊之法猶謂邪未盡而熱未除必迫之無無可生之路而後已殺人毒手未有慘於此者夫慢驚乃虛寒之故亦有無所因而內發者此根於賦秉本虛陰陽失互相生長之機漸形歇絕之狀惟審其偏勝力爲補救庶幾十得一二耳若猶以外因治之縱使稍爲和解殺之亦至捷也今讀毘陵莊在田先生福幼編其言慢驚致病之由則究本窮源治法則絲絲入扣立方則審其陰陽之辨而直中其欵竅古有活人書此其是矣宜亟付之梓人廣行於世俾醫者覺迷途於未晚而世間赤子全活者奚止數萬

萬而已哉是爲序

乾隆丁酉季夏吳門慕豫生拜撰

福幼編

凡例

一此編專以溫補見長凡小兒既成慢驚必於後開條目內有數處相合者卽放心照方服藥勿謂此書與古方清熱散風之藥不同仍泥用古方以自誤也

一此編凡鹿茸人參等貴重難覓之藥悉不開入恐窮鄉僻壤及無力之家不能購覓雖有對症良方亦束手無策也

一此編內之藥隨處皆有內無論貧富貴賤皆力所易爲但必須另包過戥如法炮製方可取效

一近代所買之抱龍牛黃等丸皆清熱化痰之藥急驚最爲對症若慢驚之甚者下喉卽死

一急驚與慢驚全屬相反急驚之症小兒氣體壯實前數日發熱今口鼻中氣熱大便結小便臊忽而驚風大作喉中多有熱痰用抱龍牛黃等丸下咽卽

醒再用清熱消導之藥一劑而安本欲附方於此恐治慢驚者用治急驚之方則爲害非小是以姑述其由而方不叙入

一薑桂附子乃編內藥方中之用神減去則無效肉桂好者難得薄桂潯桂但有油者皆可用之所以本草備要云肉桂有油者俱佳無所分別也

一慢驚之輕者理中地黃湯內多用薑桂亦可治愈若虛至極者非用附子不可但附子性熱人多畏之本草附子下亦註明治慢驚字樣可見溫補二字委係治慢驚秘訣雖暑天伏日不必疑異自悞

一此編新立二方以治慢驚明言慢驚屬虛寒溫補卽所以治慢驚急驚屬實熱清熱卽所以治急驚二症有寒熱之殊用藥有雲泥之異古人每以一方治二症未究其致病之由遺悞非淺不可妄服

一海內醫書未可枚舉惟慢驚一症自古及今相承錯謬殊堪扼腕是以此編端辨慢驚 症與各書不同屢次試驗有效切勿疑懼

一此編乃獨得之奇實發古人不傳之秘凡小兒久病不愈諸病之後均能轉

爲慢驚真得之最易而醫之最難世之人但知清熱散風不知溫補氣血間

有一二高明者見及慢驚是虛寒症欲開溫補藥方又因不合古書

所以恐難醫

招訕謗起以慢驚竟爲幼科第一險危之症此編業於姑蘇中州安徽直隸等處付梓矣倘仁人君子念及小兒患症待命殷殷翻刻廣傳誠屬善舉若鄉試小試年分於龍門貢院前分送尤覺易以普遍

一凡爲善濟人及有一切陰鷲者子孫當得福報若將此書翻刻廣傳使天下後世活人無窮又似非尋常陰鷲可比其翻刻爲善者之子孫更不知當如何昌盛或亦陰功之一助爲善君子未知以爲然否

福幼編

武進莊一夔在田氏者

治慢驚風心得論

慢驚之症緣小兒吐瀉得之爲最多或久瘧久痢或痘後疹後或因風寒飲食積滯過用攻伐傷脾或秉賦本虛或誤服涼藥或因急驚而用藥攻降太甚或失於調理瘡可致此症也其症神昏氣喘或大熱不退眼翻驚搐或乍寒乍熱或三陽晦暗或面色淡白青黃或大小便清白或口唇雖開裂出血而口中氣冷或瀉痢冷汗或完穀不化或四肢冰冷並至腹中氣响喉內痰鳴角弓反張目光昏暗此虛症也亦危症也俗名謂之天中風虛風慢驚風慢脾風皆此症也若再用寒涼再行消導或用北星抱龍以除痰或用天麻全蝎以驅風或用知柏芩連以清火或用巴豆大黃以去積殺人如反掌實可畏也若治風而風無可治治驚而驚亦無可治此實因脾胃虛寒孤陽外越元氣無根陰寒至極風之所由動也治宜先用辛熱再加溫補蓋補土所以敵木治木卽所以治標

凡小兒一經吐瀉交作卽是最危之症若屢作不止無論痘後疹後病後不拘何因皆當急用參朮以救胃氣薑桂枳熟等藥以救腎氣不惟傷食當急救之卽傷寒傷暑亦當急救之蓋其先雖有寒暑實邪一經吐瀉業已全除脾胃空虛倉廩空乏若不急救恐虛痰上湧命在頃刻矣庸醫不明皆誤指爲熱爲食投以清火去積涼藥立時告變爲之奈何與其失之寒涼斷難生活不若試之溫補猶可救療此語發明吐瀉驚風之理最爲明透後之君子願無忽諸今將慢驚病案臚列於後

慢驚病案

一吐瀉脾胃虛寒也

一身冷陽氣抑遏不出也

服涼藥之後往往至此

一鼻孔煽動眞陰失守虛火燄肺也

一面色青黃及白氣血兩虛也

一口鼻中氣冷中寒也

一大小便青白腎與大腸全無火也

一手足抽掣血不行於四肢也

一角弓反張血虛筋急也

一乍熱乍涼陰血虛少陰陽錯亂也

一汗出如洗陽虛而表不固也

一手足癱瘓血不足以養筋也

一顙門下陷虛至極也

一身雖發熱口唇焦裂出血却不喜飲冷茶水進以寒涼愈增危篤以及所吐之乳所瀉之物皆不甚消化脾胃無火可知唇之焦黑乃真陰之不足也明矣

大凡因發熱不退及吐瀉而成者總屬陰虛陽越必成悍驚並非感冒風寒發熱可比故不宜發散治宜培元救本加薑桂以引火歸原必先用辛熱沖開寒痰再進溫補方爲得法

經驗二方列後

逐寒蕩驚湯

此方藥性溫煖治小兒氣體本虛或久病不愈或痘後疹後或誤服涼藥泄瀉嘔吐轉爲慢驚清熱敗風愈治愈危速宜服此能開寒痰寬胸膈止嘔吐蕩驚邪所謂回元氣於無何有之鄉一二劑後嘔吐漸止卽其驗也認明但係虛寒卽宜服之不必疑畏

胡椒 一錢 打炮薑 一錢 肉桂 一錢 丁香 十粒 打

右四味以灶心土三兩煮水澄極清煎藥大半茶杯頻頻灌之接服後方定獲奇效

加味理中地黃湯

此方助氣補血却病回陽治小兒精神已虧氣血大壞形狀狼狽瘦弱至極皆可挽回之如法濃煎頻頻至服參天救本之功有難以盡述者

熟地 五錢 當歸 二錢 黃肉 一錢 枸杞 二錢 白朮 三錢 炮薑 一錢

黨參 二錢 炙草 一錢 棗仁 二錢 炒研 肉桂 一錢 故紙 二錢 炙芪 二錢

加生薑

三片紅棗三枚核桃肉

二個爲引仍用灶心土

二兩煮水煎藥取濃汁一茶杯另

加附子

五分

或二三分亦可煎水攪入諒兒大小分數次灌之如咳嗽不止者

加宿殼

錢一

金櫻子

錢一

如大熱不退加白芍

錢一

泄瀉不止加丁香

五分

只服一劑

卽去附子只用丁香

七粒

隔二三日只用附子二三分蓋因附子太熱中病卽

宜去之也如用附子太多則小便閉塞不出如不用附子則沉寒臟腑固結
不開如不用丁香則滯瀉不止若小兒虛寒至極者附子不妨用至一二錢
此所謂神而明之存乎其人此方乃救陰固本之要藥治小兒惺驚稱爲神
劑若小兒吐瀉不至已甚者或微見驚搐胃中尙可受藥喫乳便利者並不
必服逐寒蕩驚湯只服此方一劑而風定神清矣如小兒尙未成驚不過昏
睡發熱不退或時熱時止或日間安靜夜間發熱以及午後發熱等症總屬
陰虛均宜服之若新病壯實之小兒眼紅口渴者乃實火之症方可暫行請
解但係實火必大便閉結氣壯聲洪且喜多飲冷水若吐瀉交作則非實
火司知矣此方補造化陰陽所不足實爲生起死有神功儻大虛之後服一

福幼叢編
劑無效必須大劑多服爲妙

治驗

一余胞姪乳名文豹素欠壯實週歲疹後發熱兼用不退咳嗽時以手捫口喉痛可知後數日晝夜昏睡不醒因延本地時醫投以清熱解表涼藥一劑而熱立止逾時體冷徹骨熱復大作再投前劑則無效矣又延他醫投以苓連石斛等藥非惟熱不能解且面色青黃兩太陽黑暗大喘大瀉愈增危篤醫亦束手余查痘疹諸書皆云疹係熱症宜用寒涼其說亦與症不符姑用救陰固本平補之藥一劑灌之悉皆吐出余母顧兒謂余曰腹中作响風已動矣喉無雞聲痰已塞矣且喫乳卽吐頭搖睛泛氣促神昏兩目無光面無人色敗症以矣急請前醫皆囊足不至遍查各書俱載疹後發熱不退而頭暈睛泛吐瀉則昏乃慢脾風不治之症然亦不忍坐視不救細思喉中作响係寒痰蓋緣真陽外越寒生於中如係實火則前此苓連之藥何致反劇外雖極熱內實真寒非用大辛大熱之品不能沖開寒痰故前諸藥皆吐而不

受因取附子薑桂煎湯飲灌余母曰此兒現在發熱且唇已開裂出血何可再用附子余思內經云假者反之此症非辛熱之品終不能引火歸原以消寒滯也雖去附子仍改用胡椒一錢肉桂一錢炮薑四片似覺平淡以期老母不疑煎湯灌下痰聲立止又取伏龍汁沖水灌之吐亦漸止少頃兒忽眼動呵欠咳嗽時卽不以手捫口又頃連溺小便稠濁紫黑疹後邪毒卽次盡下似有起色因用附子理中湯合六味地黃湯去澤瀉丹皮加故紙枸杞一劑而敗症全除惟大熱未退乃於前湯內復加棗仁五味白芍欽陰之藥一劑而安此正內經所云治風先治血及甘溫退大熱之義也其後細審此症咳嗽喉痛心火燦肺金也嘔吐泄瀉脾腎虛寒也用胡椒薑桂所以開湧喉之寒痰也用灶心土者補上所以敵木也木平則風息土旺則金生金既得生火不能尅則向者尅肺之邪火仍返而歸心心爲君主之官邪不能犯心與小腸相表裏故疹毒傳入膀胱下溺爲紫黑色也余弟云此兒疹後發熱誤服涼藥命幾不測得吾兄方藥真不啻起白骨而肉之實如再生爰更名

藥牛將來取字曰佩伯誌不忘也

一余抱姪

鈞

守南陽時生一女偶爾傷食中州醫者必以九製大黃丸推蕩之

每月一二次屢經剋伐至二歲此女脾胃大傷瘦弱至極陰虛夜熱昏睡露睛忽成慢驚庸醫尙不知其爲不足症乃以五苓散加黃連四分下咽卽結胸不語次日斃命中虛中寒冉准黃連未有不斃者

一余姻親家人之子甫二歲其母已逝乳母哺之飲食不調髮黃氣短發熱腹脹虛弱之形已現奈醫者堅稱內熱進以寒涼吐瀉不止遂成慢驚有鄰人授以福幼編一本其父與醫商曰小兒純陽之體何可用此熱藥乃向藥包中取出抱龍丸一粒研而灌之尙未灌完而已斃矣

一六安廣文程公之子九歲久病不愈泄瀉抽搐懨懨一息醫曰已成慢驚雖神醫至此亦難爲力廣文呼號求救幾不欲生同學宋孝廉以余向贈之福幼編授程程閱而疑之宋曰此子已無生理舍此更無地術服此溫補之劑或可挽回倉猝間無肉桂遂以桂子四錢研碎入理中地黃湯內如法濃煎